

# HIRITSIRILI-ALI STĂ-MĂRII

ndreapti di

YIORYI PLATARI-TZIMĂ AMINCEANLU

1934 - Aminciu

## *PARTEA UNĂ (1)*

*1. Protanghilu pitricut din tseruri tra s-dzăcă la Virghina*

*Hârsea-ti!*

*Sh-cu videarea Tini, Doamne, s-ljeai trup,*

*Tini, atsel fără trup Zbor, armăni ecstasiazat.*

*Shi lji dzătsi aesti graiuri:*

*Hârsea-ti, că cu Tini va s-ascapiră harauă.*

*Hârsea-ti, că cu Tini va s-astingă blăstemlu.*

*Hârsea-ti, că Tini va lu scolji Adamlu di tru Adlu.*

*Hârsea-ti, că Tini va u-ascachi Eva di lăcrănjli.*

*Hârsea-ti, anăltsime, iu minti ominească nu poati să si-alină.*

*Hârsea-ti, ahândame, tsi nu pot s-ti veadă ocljilji-a Anghiljlor.*

*Hârsea-ti, Virghinà, că hii scamnu ampirescu.*

*Hârsea-ti, tini, tsi-l tsănji ampirălu shi El u tsăni lumea.*

*Hârsea-ti, steauă dit apirita tsi adutsi soarli.*

*Hârsea-ti, păntică tsi lu-ncărnuseshi Duhlu.*

*Hãrsea-ti, cã cu Tini ãnyeadzã natura.*

*Hãrsea-ti, cã cu Tini s-natureadzã Dumnidzãlu.*

*Hãsea-ti, 'Nveastã Virghinã.*

*2. Videnda-ashi sãmta Virghinã Stã-Mãria,*

*Ãlji dzãsi-al Gabriil cu curaji:*

*Paraxinlu zbor tsi lu-avdu cum sã-nji lu-ncapã mintea:*

*Cã cum poati fãrã cu bãrbat adunari shi fãrã simitsã*

*fìcior s-amintu? Aesti li dzãsi shi strigã:*

*Alilua.*

*3. Vrunda sã shtibã Virghina*

*anghilu din tser cu-apurii lu-ntreabã:*

*Dzã-nji, cum s-poati, dit trup ghirgjhin s-amintu hilj?*

*Cu respectu shi tinjii El ãlji dzãsi-ashi:*

*Hãrsea-ti, Tini, tsi ti fãtseshi axi s-li-nvets vrerili-a Domnului.*

*Hãrsea-ti, Tini, a-mbistimenjlor nitãcutã pãlãcãrii.*

*Hãrsea-ti, cã ma ninte li duchishi-a Hristolui tamatli.*

*Hãrsea-ti, cã Lji spunji-a Lui didãhiili dogmatitsi.*

*Hãrsea-ti, scara a tserlui pri iu s-dipusi Dumnidzãlu.*

*Hãrsea-ti, -apunte, tsi lji-alinji atselji di pi loc ãn tser.*

*Hãrsea-ti, Tini, tama-atsea alãvdata-a Anghiljlor.*

*Hãrsea-ti, bãtearea vãrtoasã-a dratslor.*

*Hârsea-ti, Tini tsi u-amintashi lunjina.*  
*Hârsea-ti, cã semnul la canã nu lu spuseshi.*  
*Hârsea-ti, cã lu-nitricushi-a 'nvitsatsãlor ânvetlu.*  
*Hârsea-ti, cã-Ã lunjinedz mintea-a oaminjlor.*  
*Hãsea-ti, 'Nveastã Virghinã.*

#### *4. Putearea-a Dumnidzãlui*

*U-arucã aumbra-atumtsea*  
*Pristi-nveasta virghinã shi s-featsi-acãtsarea.*  
*Sh Nãsa cu siminata-lji pãnticã ca agur musheat,*  
*spusi la cãts vrea ta s-u tseatsirã-ascãparea*  
*shi deadun ta s-cãntã: Aliluia.*

#### *5. Cu pãntica-lji vas a Dumnidzãlui s-dusi Virghina la Elisabeta.*

*Natlu-a tsiljei troarã u duchi bãshearea*  
*di hiritsirea-ali Marii shi s-hârsea.*  
*Shi cu bãteari dit pãntica ca cãntits cãnta cãtrã Virghina:*

*Hârsea-ti, a yitãljei nimãrãnghisit vlãstar.*  
*Hârsea-ti, gãrdinã cu-avearea-a etilor.*  
*Hârsea-ti, cã hii agurlu dit cari s-featsi-ascãpãtorlu-a omlui.*  
*Hârsea-ti, cã ca-arãsadlu-l creshtsã-atsel tsi nã-ù da bana.*  
*Hârsea-ti, loc tsi li dai multsinjli-a ghinetslor.*  
*Hârsea-ti, measã-mplinã, tsi nã-ù ahãrzeshtsã ljirtarea.*

*Hãrsea-ti, Tini, tsi-ù mata-adutseshi harauù-a liliciseariljei tu livadi.*

*Hãrsea-ti, Tini, tsi hii golful a sufltilor.*

*Hãrsea-ti, ca adixita di Dumnidzã fimnjeamã-a pãlãcãriiljei.*

*Hãrsea-ti, cà-ù dideshi ljirtarea la lumea tutã.*

*Hãrsea-ti, marea vreami-a Dumnidzãlui cãtrã oaminji.*

*Hãrsea-ti, curajoasa boatsi- a oaminjlor cãtrã Dumnidzã.*

*Hãsea-ti, 'Nveastã Virghinã.*

*6. Andralã, lji adusi-nvirinarea di-ascumtili shubei  
tsi sh-li-avea tru suflit mintimenlu Josif,  
sh fu ca trumuxit multu. Virghinã sh nimãrtatã ti shtea,  
sh-tora prit mintea-lji tritsea, fushi api-cumtishalui mãrtatã...  
Tini, atsea ghirghina!  
Ama anda acãtsarea-tsã u-nvitsã cã fu di Sãmtul Duh,  
dzãsi: Aliluia.*

## **PARTEA DOAUÃ (2)**

*7. Lu-avdzãrã picurarlji Cãnticlu-a Anghiljlor tri yinearea-a  
Hristolui ca om pristi loc.*

*Shi cu alagã s-dutsea*

*Su-L veadã marli picurar... Shi Ãl ved ca njelush curat shi pãscut  
dit pãntica-ali Stã-Mãrii, shi-Lji cãntã shi dzãtsea:*

*Hârsea-ti, dada-a njelui shi-a picurarlui.*

*Hârsea-ti, strunga-a oilor mintimeni.*

*Hârsea-Ti, Tini, castru-apârător di dushmanji ascumtsă.*

*Hârsea-ti, Tini, tsi li dishcljdz portsăli-a Paradislui.*

*Hârsea-ti, că cu Tini tserlu shi loclu sã-mbârtsăteadză.*

*Hârsea-ti, că cu Tini s-adună-n cor elji din tser cu noi di pisti loc.*

*Hârsea-ti, Tini, gura nităcută-a Apostoleanjlor.*

*Hârsea-ti, Tini, nintricutlu curaj a martirilor.*

*Hârsea-ti, Tini, a pistiljei vârtoslu stur.*

*Hârsea-ti, Tini, a hariljei lunjinoslul simbol.*

*Hârsea-ti, că cu Tini s-tăpinusi Adlu.*

*Hârsea-ti, că cu Tini nã-nviscum tuts eu-anami.*

*Hârsea-ti, 'Nveastă Virghină.*

*8. Trei maganji dit Dată u vidzură steauua-atsea nauua  
s-u spună calea dumnidzească shi sum lunjina-lji imnară.*

*Ca cãndilă treilji u tsănea sh-pristi loclu tut alăga  
marli ta s-lu-află ampiră.*

*Shi-anda lu- aprucheară ni-aprucheatlu s-hârsiră shi strigară:  
Aliluia.*

*9. Ăl duchiră ficiorlji -Haldeianjlor pri mănjlial Stă-Mării  
Atsel cari cu mănjlial Lui ălji plăsă oaminjlji.*

*Shi Domnul Ȃl duchirã-a loclui ăntreg, tsicara cã avea loatã  
vidzutã di huzmichear, Lj-si pricãdzurã shi-Lji li deadirã  
nai cama scumpili pishcheshi. shi-ashi ălji cãntarã-a Vluisitãljei:*

*Hãrsea-ti, mumã-a steauùljei ni-ascãpitatã.*

*Hãrsea-ti, hãryie a mistiryioasãljei dzuùã nauùã.*

*Hãrsea-ti, cã u-astisheshi vatra-a pseftsãlor.*

*Hãrsea-ti, cã-lji lunjinedz 'mbistimenjlji-a Treiadãljei.*

*Hãrsea-ti, cã lu-avinashi draclu dit puteari.*

*Hãrsea-ti, cã Lu spuseshi Hristolu ca sots a oaminjlor.*

*Hãrsea-ti, cã nã-ascãpashi di pitea-a barbarlor.*

*Hãrsea-ti, cã nã seuseshi dit lãvoasi lucrãri.*

*Hãrsea-ti, cã mã spuseshi s-nu nã-ncljinãm pri foc.*

*Hãrsea-ti, cã nã-ascãpashi di pirla-a ràutatiljei.*

*Hãrsea-ti, cã hii a 'mbistimenjlor cãlãuzã mintimenã.*

*Hãrsea-ti, cã hii marea harauùã-a tutilor ggeneratsii.*

*Hãrsea-ti, 'Nveastã Virghinã.*

*10. Dumlunjinats didahi dicari s-featsirã maganjli,*

*tu Babilona s-turnarã.*

*Dzãca-ù confirmarã Hristolu-L didãxirã*

*shi Jrodi atsel lãvoslu lu-alãsarã singur s-nu shtibã s-dzãcã*

*nitsi*

*Alilua.*

11. *Ascăpiră sh-tru pundii Lunjina-a averlui.*

*‘Ntunericlu-a minciunăljei*

*Lu-avinashi, Ascăpătorule, shi li-arucashi ‘mpade idolili,*

*cà nu putură s-u străxească putearea-a alihiljei.*

*Shi cãts s-lishurară ascăpats, cãntă cãtră Virghina:*

*Hãrsea-ti, Tini, a oaminjlor anãltsarea.*

*Hãrsea-ti, Tini, a dratslor cãdearea.*

*Hãrsea-ti, cà u cãlcashi-a minciunăljei putearea.*

*Hãrsea-ti, Tini, tsi disvãlishi punirlãchea-a idolilor.*

*Hãrsea-ti, amare, tsi li nicashi ideile-a Faraonlui.*

*Hãrsea-ti, cheatrà, tsi u zvonji apa-a banăljei.*

*Hãrsea-ti, stur lunjinos, tsi-lji lunjinedz ãntunicatslji.*

*Hãrsea-ti, citiea-a lumiljei, atsea cama larga sh-di nior.*

*Hãrsea-ti, cà hii hrana-a suflitului ca “mana” di-atumtsea.*

*Hãrsea-ti, cà nã dai vrearea-atsea sãmta.*

*Hãrsea-ti, cà hii loclu-a Apanghiiljei.*

*Hãrsea-ti, cà dit Tini-arueashti njeari shi lapti.*

*Hãrsea-ti, ‘Nveastà Virghinã.*

12. *Nãinte di fudzearea-al Simeon dit mincinoasa-aestã banã,*

*Ti bãgarã tru mãnjlî-a lui nat tra s-Ti tsãnã.*

*Sh dicari Ti cunuscushi di nãs cà earai Dumnidzãlu-ntreg,*

*cu boatsea-lji gri ti sufiea-Tsã atsea nispusa:  
Aliluia.*

### **PARTEA TREIA (3)**

*13. Nauuã plasi-ù disvãli Plastulucu cãti spusi la noi ficiorlji-a  
Lui.*

*Dit pãnticã s-featsi fãrã simitsãshi u-alãsã cum eara, featã  
virghinã.*

*Shi noi cara u vidzum tama-aestã cãntãm cãtrã Nãsã:  
Hãrsea-ti, trandafilã nimãrãnghisitã.*

*Hãrsea-ti, cãrunà scãntiljoasã, tsi nã u spuni virghinãtatea.*

*Hãrsea-ti, cã-l lunjinedz semnul a-nyeariljei.*

*Hãrsea-ti, cã u spuji bana-a Anghiljlor.*

*Hãrsea-ti, pomlu bun, tsi-lji hrãneshtsã-mbistimenjli-a Tãlji.*

*Hãrsea-ti, tini pomlu cu aumbrã grasã, tsi u-amvãleshtsã lumea.*

*Hãrsea-ti, cã hii 'nsãrtsinatã cu-ascãpãtorlu-a arãshlor oaminji.*

*Hãrsea-ti, cã va-l fats eliberatorlu-a oarfãnjlor.*

*Hãrsea-ti, cã nã lishurashi dit ãndreapta giudicatã.*

*Hãrsea-ti, cã cu Tini va nã si ljeartã amãrtiili.*

*Hãrsea-ti, cã hii portul, tsi dai puteari la-aspãreatslji.*

*Hãrsea-ti, cã vrearea-Tsã nã veaglji di-arãets.*

*Hãrsea-ti, 'Nveastã Virghinã.*



*14. A s-li-alāsàm minduirili-a banâljei.*

*Paraxina amintari tsi u vidzum mintea nã u cljeamã câtrã-n tser.*

*Ti-atsea di-ndzeanã marli Dumnidzã s-dipusi pri loc ca om tapin*

*cà vru sã si-alinã-ndzeanã atselji tsi cântã cu El:*

*Alilua.*

*15. Ântreg fu El aoa-nghos pri loc ama sh-din tser nu lipsi,*

*nispuslu Zbor.*

*Fu volji dumnidzeascã sh-nu mash cu unã yineari pri loc,*

*cari s-featsi di virghinã, tsi fu umplutã di dumnidzami,*

*ti-atsea sh-li avdzã aesti:*

*Hãrsea-ti, stat, tsi lu-ncãpushi Atsel, tsi nu-ncapi iuva.*

*Hãrsea-ti, ushea, tsi intrã mistiryiu respectat.*

*Hãrsea-ti, anda-nembistimenjlji aù shubei tri Tini.*

*Hãrsea-ti, cà-mbistimenjlji Ts-u cântã anamea.*

*Hãrsea-ti amaxã, tsi-L portsã Atsel tsi lu-aduc Heruvim.*

*Hãrsea-ti, casã, tsi Lu-ncãpushi Atsel tsi yini pri-arpili Serafim.*

*Hãrsea-ti, Tini, tsi condrarili pri unã li-adutseshi cali.*

*Hãrsea-ti Tini, tsi li-adrashi unã virghinãtatea cu-amintarea.*

*Hãrsea-ti, cà cu Tini s-ashtearsi amãrtiea-a ni-ascultariljei.*

*Hãrsea-ti, cà di Tini s-disheljisi ushea-a Paradislui.*

*Hãrsea-ti, Tini, cljeaea-a vãsiliiljei a Hristolui.*

*Hãrsea-ti, Tini, sperandza-a dumnidzeascãljei banã.*

*Hãrsea-ti, 'Nveastã Virghinã.*

*16. Tutã plasea-a Anghiljlor, cu apurii-armasi di marli mistiryiu  
tsi Ti-adãrashi om.*

*Cà ni-aprucheatlu Dumnidzã, lu videa om, tsi s-apruchea la tuts.*

*Deadun cu noi s-bãneadzã sh-di tuts s-avdã:*

*Aliluia.*

*17. Zburãtori cu nicami mari, ãlji videm, Virghinã,*

*cum sta nãintea-Tsã tãcuts ca peshtsãlji, fãrã di s-poaã*

*s-dzãcã cum putushi shi dadã ti fãtseshi shi virghinã-armãseshi.*

*Shi noi cara-l vidzum mistiryiul cu pisti cãntãm:*

*Hãrsea-ti, cà ca vas u-ncãpashi sufiea-a Dumnidzãlui.*

*Hãrsea-ti, cà hii tezauru-a cãshtigãljei al Dumnidzã.*

*Hãrsea-ti, cà filozofanjli lji-adari Tini fãrã di sufii.*

*Hãrsea-ti, cà zburãtorlji ãlji fatsi sh-li cheardã zboarãli.*

*Hãrsea-ti, cà nãintea-Tsã sufadzli zburãseu ca tãtãrlimbeanji.*

*Hãrsea-ti, cà cu Tini poetslji sh-li cherdu aryirematli.*

*Hãrsea-ti, cà li surpashi sufistiili-a Atenianjlor.*

*Hãrsea-ti, cà-l umplji cu mushãteatsã zborlu-a peshtsãlor.*

*Hãrsea-ti, cà nã scots dit hãurili-a nicunushteariljei.*

*Hârsea-ti, cã nã lunjinedz cu lunjinili-a cunushteariljei.*

*Hârsea-ti, cã Ti-adari cãravi ta s-ascapã atselji tsi vor.*

*Hârsea-ti, cã ca golfu li-apuri cãrãyili-a banãljei.*

*Hârsea-ti, 'Nveastã Virghinã.*

*18. Tra s-ascapã lumea Atsel tsi li plãsã tuti, vini pri loclu-aestu  
cu vrearea-Lji,*

*cã easti picurar shi Dumnidzã.*

*Ti noi vini sh-ti hãtãrea-a noastrã s-featsi ca noi om ta s-hibã  
idyiu idyiu Nãs sh-ca Dumnidzã s-avdã di la noi:*

*Aliluia.*

#### ***PARTEA PATRUA (4)***

*19 Castru hii a feailor, Virghinã Stã-Mãrie,*

*Shi-a tsilor ninca tsi cu pisti, Tsã si pricad a Tsãea*

*Cã Ti plãsã ahãt pricuratã Fãcãtorlu-a tserlui shi-a loclui*

*tra s-bãneadzã tru pãntica-a Ta ta s- Tsã dzãtsem:*

*Hârsea-ti, sturlu-a Virghinãtatiljei.*

*Hârsea-ti, ushea-a ascãpariljei.*

*Hârsea-ti, cãlãuza-a harauùljei sufliteascã.*

*Hârsea-te, cã nã donedz bunãtate dumnidzascã.*

*Hârsea-ti, cã-lji lishuredz cãts s-aflarã tru-arshunãri.*

*Hârsea-ti, cã badzi minte la cãts -shã u chirdurã.  
Hârsea-ti, cã victoriashi spãrgitorlu a mintuirilor a noastre.  
Hârsea-ti, cã-L fãtseshi siminãtorlu-a bunetslor.  
Hârsea-ti, pat di spiritualã mãrtari, fãrã di siminari.  
Hârsea-ti, cã lji-apridunji ãmbistimenjli deadun cu Domnul.  
Hârsea-ti, cã li tsãnji featile pri Virghinãtati.  
Hârsea-ti, cã li mushutsàshtsã ca-nveasti ininjli-a sãmtsãlor.  
Hârsea-ti, 'Nveastã Virghinã.*

*20. Vãr cãntie nu poati, s-Tsã u-alavdã mãriljea-Tsã.  
sh-ca s-puteam nincas-Tsã cãntãm, Ampirà Sãmte,  
cãntits multi ca pulbirea, shi iara nu va s-agiundzea cu cãti, Tini,  
ai datã  
la noi tsi Tsã cãntãm:  
Aliluia.*

*21. Lãmbadã lunjinoasã, pri cãljuri ãntunicoasi,  
Ti videm, sãmte-nã Virghinã,  
Cã u-apriseshi lunjina spiritualã, sh-cu sigurandzã nã dutsi tuts,  
s-u duchim shtearea dumnidzeascã, ca apirita  
tsi nã-ù lunjineadzã mintea, shi noi cu grai tinjisit,  
Tsã li dzãtsem aesti:*

*Hãrsea-ti, aradzà-a soarlii duhovnic.*  
*Hãrsea-ti, scãnteauãà a ni-ascãpitatãljei lunjinã.*  
*Hãrsea-ti, ascãpirare, tsi suflitili li multulunjinedz.*  
*Hãrsea-ti, bumbunidzare, tsi lji-aspari dushmanjlji.*  
*Hãrsea-ti, cã hii arãùlu-atsel avutlu cu apã multã.*  
*Hãrsea-ti, culimbitrà, tsi li tucheshtsã lãturli-a amãrtiilor.*  
*Hãrsea-ti, cã tini nã li curi mintea shi sumenjea.*  
*Hãrsea-ti, cupà, cã nã meshti cu chefi shi harauuã.*  
*Hãrsea-ti, cã u-ai anjurisma di livandul a Hristolui. Hãrsea-ti, cã*  
*hii mistiryiulu a tsinãljei dit soni.*  
*Hãrsea-ti, 'Nveastãã Virghinã.*

*22. Vrundalui ljirtari s-da la veacljea amãrtii,*  
*Atsel tsi lã-ù ljeartã a oaminjlor borgea,*  
*di singur s-adãrã bãnãtor cu-atselji*  
*tsi-avea fudzitã dit-a Lui hari*  
*shi u-arupsi muluyiea-a borgiljei sh-di tuts noi avdi:*  
*Aliluia.*

*23. Psãltãsinda-Tsã hilji-Tu tuts Tini ti cãntãm,*  
*cã hii bãsearicã yii, Virghinã Stã-Mãrie.*  
*Tru pãntica -Ta u bãnà, cari tru mãna-Lji ãl iloclu tut.*  
*Atsel Ti-asãmtsã, Atsel Ti duxãsi*  
*Shi nã-à i noi s-Tsã cãntãm acshi:*

*Hãrsea-ti, tendà, Tini-a Dumnidzãlui shi-a Zborlui.*  
*Hãrsea-ti, cama Sãmta di sãmtsãlji tuts.*  
*Hãrsea-ti, hrisusita sipeti ti Sãmtul Duh.*  
*Hãrsea-ti, tezauru-a banãljei fãrã di soni.*  
*Hãrsea-ti, cãruna-atsea ma scumpa-a vluisitslor ampiradz.*  
*Hãrsea-ti, alãvdarea tinjisitã-a evlavioshlor preftsã.*  
*Hãrsea-ti, Tini, a Bãsearicãljei pirgu vãrtos.*  
*Hãrsea-ti, Tini, a evlavioasãljei vãsilii castru nicãdzut.*  
*Hãrsea-ti, cã cu Tini-nchirdãsim anãchiseri ti ciudii.*  
*Hãrsea-ti, cã cu Tini dushmanjlji s-anãchisesecu.*  
*Hãrsea-ti, cã hii a truplui a meu terapia.*  
*Hãrsea-ti cã hii a suflitlui a meu sutiriea.*  
*Hãrsea-ti, 'Nveastã Virghinã*

*24. O, paracãntatã dadã, Tini hii singura shi unica,*  
*tsi lu-avushi cama sãmtul di tuts sãmtsãlji Zbor.*  
*Adixea-l aestu cãntic, shi veaglji-nã tuts*  
*di cãfi unã-arãeatsã, sh di yinitoarea colasi ascapã-nã,*

*Alilua.*